



tešanjski BILTEN

Interno informativno glasilo, Godina XVIII, mart 2013. Broj 56



U ovom broju:

**Strategija
razvoja 2018**

**Izveštaj o radu Općinskog
vijeća Tešanj za 2012. godinu**

**Ambasador
u Tešnju**

Obilazak privrede

Potpisan ugovor sa SGI

**Konstituisani
organi MZ**

Svjetski dan voda

Tešanjsko proljeće

Mladi

11.-14. APRIL
INDUSTRIJSKA ZONA
BUKVA, TEŠANJ

9. SAJAM PRIVREDE
BIZNIS 2013 TEŠANJ

Medijski pokrovitelji:

www.atesanj.net | www.atesanjweb.com | www.atomci.ba
www.sajam.atesanj.net

PORUKA OPĆINSKOG NAČELNIKA POVODOM SVJETSKOG DANA VODA

Obilježavanje Svjetskog dana voda inicijativa je koja je potaknuta na Konferenciji Ujedinjenih naroda o okolišu i razvoju u Rio de Janeiru 1992. godine.



Generalna skupština Ujedinjenih naroda (UN), proglasila je 22. mart kao Svjetski dan voda (World Water Day, WWD). Prema UN izvorima, nažalost, još uvijek milijardu ljudi ovisi o nesigurnim izvorima vode za piće. Stoga je, da bi se još više istaknulo značenje brige o vodi, razdoblje od 2005. do 2015. proglašeno desetljećem voda pod geslom "Voda za život". Ove godine se Svjetski dan voda obilježava pod sloganom "Gospodarenje otpadnim vodama". Ovo je prilika da i mi na lokalnom nivou još više obratimo pažnju na značaj vode.

OPĆINSKI NAČELNIK
mr.sc. Suad Huskić, profesor

U TEŠNJU OBILJEŽEN SVJETSKI DAN VODA

Povodom 22. marta, Svjetskog dana voda danas je ispred zgrade Općine održana promocija tešanjskih voda. Organizatori su Općina Tešanj i proizvođači mineralnih voda sa područja općine Tešanj. Na ovaj



način Općina Tešanj želi još jednom istaći važnost pitke vode, a sve u cilju dostizanja vizije Tešanj, sredina ekološke svijesti, čistoće i reda.



tešanjski BILTEN

Internoinformativno glasilo Općine Tešanj

Redakcija

Edina Kadušić, Ferid Mustafić, Samir Brka,
Kanita Gredelj i Bahrudin Nočić.

Glavni i odgovorni urednik

Edina Kadušić

Adresa Redakcije

Općina Tešanj, trg Alije Izetbegovića 11, 74260 Tešanj
Telefoni 032/650-341 i 032/650-022 (lokal 107),

Fax 032/650-220

E-mail press@opcina-tesanj.ba

Tiraž 2.000

Štampa: Grafik-komerc Jelah

STRATEGIJA RAZVOJA 2018. GODINA

Na 4. sjednici Općinskog vijeća Tešanj održanoj 30. januara, Općinsko vijeće usvojilo je nacrt Strategije razvoja 2018. godina i uputilo ga u javnu raspravu u trajanju od 45 dana.

Tokom izrade Strategije, određeni su sektori Mladi, Ekonomija, Ekologija i Društveni sektor, kao i vođe sektora i nosioci izrade. U februaru i martu, održane su četiri javne rasprave, i to:

- 06. mart 2013. godine mladi,
- 07. mart 2013. godine ekonomija,
- 12. mart 2013. godine ekologija,
- 14. mart 2013. godine društveni sektor.

Kroz prezentacije, prisutnim učesnicima u javnoj raspravi, vođe timova predstavili su predložene aktivnosti i ciljeve kada su u pitanju pojedini sektori. Tematskim raspravama se odazvalo 99 osoba.

Tokom rasprave zaprimljeno je 102 prijedloga, sugestija i komentara. Analizom javne rasprave, 57 prijedloga je uzeto u razmatranje. Ostalo su bili izvan teme javne rasprave, pitanja i lične konstatacije.

Strategija je javno promovisana putem medija emitovano je 5 radio emisija, 6 tv emisija, štampano 300 letaka, 50 plakata, 7 banera i većih plakata, obezbijedeno 720 emitiranja radio i tv spota (radio 280, televizija 440).

Javna rasprava je bila otvorena do 20. marta 2013. godine i svi zainteresovani svoje prijedloge, primjedbe i sugestije su mogli dostaviti na mail adresu strategija@opcina-tesanj.ba

Prijedlog Strategije razvoja 2018. godina može se pogledati na web stranici Općine:

www.opcina-tesanj.ba.



IZVJEŠTAJ O RADU OPĆINSKOG VIJEĆA TEŠANJ ZA 2012. GODINU

Općinsko vijeće Tešanj je u periodu 1.01.-31.12.2012. godine radilo u redovnim javnim zasjedanjima. Održano je ukupno 10 radnih sjednica, i jedna svečana (podom općinskog praznika 4. aprila).

Konstituirajuća sjednica Općinskog vijeća Tešanj za mandatni period 2012-2016 godinu, održana je 23.11.2012. godine na kojoj je za predsjedavajućeg Vijeća izabran Fuad Šišić.

Od ukupnog broja sjednica, tri sjednice održane su u novom sazivu Vijeća. Sjednice Vijeća u izvještajnom periodu trajale su u prosjeku oko 4 sata.

Na dnevnom redu sjednica Vijeća bilo je 123 tačke, od čega je 34 ili 27,64 % bilo predviđeno Programom rada Vijeća. Ostalih 89 tačaka ili 72,35 % bile su vanredne aktivnosti nastale kao produkt aktuelnih tema i sadržaja na koje je lokalna uprava morala reagovati sa ciljem da ne usporava određene procese kojih se planirani dnevni red ticao. To je bilo uzrokom velikog broja tačaka dnevnog reda po jednoj sjednici (u prosjeku 12 tačaka).

Sagleda li se struktura tema i pitanja o kojima se vodila rasprava i donosili određeni zaključci, najbrojniji su prijedlozi rješenja (58), odluka (47), informacije (29), zatim inicijative (25), izvještaja (11) i ostali prijedlozi (9).

U javnu raspravu upućeno je 6 nacrti odluka.



U izvještajnom periodu Općinsko vijeće je nakon provedene rasprave usvojilo 46 odluke, 58 rješenja i 68 zaključaka.

Da bi se stekla realna slika navedenih podataka, odnosno rada Vijeća u 2012.godini, potrebno je navedene podatke uporediti sa planskim aktivnostima koje su definirane Programom rada Vijeća za 2012.godinu, što je iz narednog pregleda jasno vidljivo:

	ODLUKE	IZVJEŠTAJ	INFORMACIJE	RJEŠENJA	UKUPNO	ZAKLJUČCI
PLANIRANO	8	8	18	-	34	-
Realizovano	46	11	32	58	147	68

Vijećnici su u svom radu, pored pokretanja 25 inicijativa, postavili i 58 vijećničkih pitanja na koja je odgovoreno, uglavnom do naredne sjednice Vijeća.

Sjednicama Vijeća su u svojstvu gosta redovno pozivani: poslanici u federalnom i kantonalnom parlamentu s područja općine, OSCE, kao i predstavnici javnih preduzeća i ustanova, i drugi, kada je razmatrana određena problematika vezana za navedene institucije.

Rad svih sjednica Vijeća bio je javan, tako da su sjednicama redovno prisustvovali i mediji (TV Smart Tešanj snimak sjednica, NTV AMNA - direktan prijenos sjednica od jula 2011. godine (od 31. sjednice) i Radio Tešanj), građanima općine bilo je omogućeno direktno televizijsko praćenje sjednica Vijeća, te kraće reportaže putem TV Smart Tešanj i lokalnih radio stanica u trajanju od 15 minuta (Tešanjaska hronika), a konačni akti redovno su objavljeni u Službenom glasniku Općine Tešanj.

Također, rad Vijeća redovno je predstavljan na web stranici Općine Tešanj i Tešanjskom biltenu, kao i štampanju tematskih letaka sa nekih sjednica Vijeća, te na druge načine.

POSJETA AMBASADORA AUSTRIJE U BIH



Općinski načelnik Suad Huskić sa saradnicima primio je delegaciju Ambasade Austrije u Bosni i Hercegovini, na čelu sa Ambasadorom Dr. Donatus Köck-om. Sastav delegacije su činili i Trgovinski savjetnik Austrijske ambasade Mag. Sigmund Nemeti i Zamjenik trgovinskog savjetnika Austrijske ambasade Mag. Christoph Pfeiffer.

Na samom početku, Općinski načelnik je upoznao goste sa osnovnim informacijama o općini, trenutnim aktivnostima i planovima za naredni period. Tokom sastanka razgovarano je o mogućnostima saradnje, prije svega privredne, ali i saradnje u oblasti kulture i turizma. Ambasador Köck je iskazao zadovoljstvo onim što je vidio danas u Tešnju, te kazao kako se nada da je ovo samo početak dobre saradnje u narednom periodu.

Gospodin Köck je predstavljanje općine ocijenio kao najbolje prezentovanje općine koje je vidio u toku 3,5 godine njegovog rada u BiH.

Tokom sastanka razmjenili smo informacije koje bi mogle biti zanimljive za potencijalne investitore, što je i krajna namjera današnjeg sastanka - dolazak novih investitora na područje općine Tešanj, istakao je Općinski načelnik Suad Huskić.

SVEČANO POTPISIVANJE UGOVORA ZA IZGRADNJU HOTELA U TEŠNJU



U Kabinetu Načelnika upriličeno je *Svečano potpisivanje ugovora za izgradnju Hotela u Tešnju*, a sve u skladu sa Urbanističkim projektom Centar Tešanj, koji je usvojen na 37. sjednici Općinskog vijeća, 9. marta 2012. godine.

Ugovor su potpisali Općinski načelnik Suad Huskić, investitor i vlasnik Hotela Fahrudin Kadušić i direktor Toplane Asim Bašalić. Potpisivanju Ugovora su prisustvovali i predsjedavajući Vijeća Fuad Šišić i pomoćnici Općinskog načelnika Nadir Medarić i Hamzalića Hojkurić.

Potpisivanjem ovog Ugovora otklonjene su prepreke obnovi objekta Hotela, te ćemo najdalje u godini dana imati izgrađen objekat, a samim tim i novi izgled centra Tešnja. Današnji ugovor i početak radova rezultat su procesa i aktivnosti Općine i investitora u posljednje tri godine, kazao je Općinski načelnik Suad Huskić.

Početak radova je planiran za 3. maj 2013. godine, a obaveza investitora je da u roku godinu dana, tj. do maja 2014. godine završi grube radove – krov i zatvaranje vanjskih otvora.



Budući izgled Hotela

UGOVOR SA FIRMOM SGI

U Kabinetu Načelnika potpisan je Ugovor za izgradnju postrojenja za reciklažu otpadnih guma, proizvodnju plastične ambalaže i trgovine sirovinama za proizvodnju plastične ambalaže uz garanciju da je proces ekološki siguran, koji reciklira ili obnavlja 100% materije. Ugovor su potpisali Općinski načelnik Suad Huskić i direktor firme SGI, Sarajevo Kerim Muhamed Zupčević.



Ovim Ugovorom, investitor je obavezan da realizuje i projekat instalacije postrojenja za reciklažu bilo koje vrste otpadnih guma, ulja dizel i benzin, otpadne sirovine nafte, kao i otpadne izolacije električnih kablova.

Prije potpisivanja ovog Ugovora, vodili smo računa da se radi o postrojenju koje je sigurno sa aspekta zaštite okoline. Vjerujemo da će ovaj projekat donijeti samo pozitivne rezultate za sve građana sa područja općine Tešanj, s obzirom da je jedna od obaveza investitora i upošljavanje novih radnika, kazao je Općinski načelnik Suad Huskić.

Firma SGI Sarajevo će u prvoj godini investirati sedam miliona maraka, a postrojenje će biti instalirano u poslovnoj zoni Vila.

Više informacija o ovom projektu možete pogledati na: www.sensservis.eu

MEĐUOPĆINSKA SARADNJA

Sastanak općinskih načelnika i općinskih koordinatora GIZ-projekta sa predstavnicima GIZ ProLocal programa održan je u Tesliću.

Sastanku su prisustvovali načelnici općina Tešanj - Suad Huskić, Žepče - Mato Zovko i Teslić - Milan Miličević.

Sastanku je prisustvovao i Ismar Alagić, savjetnik Općinskog načelnika za pristup EU-fondovima i Općinski koordinator saradnje sa GIZ-om. Tema sastanka je obuhvatila slijedeća tri tematska područja: Prezentaciju GIZ ProLocal programa lokalne samouprave i ekonomskog razvoja u BiH, Brendiranje investicijskog područja Tešanj-Teslić i Žepče i Implementaciju Sporazuma o međuopćinskoj saradnji između Tešnja, Teslića i Žepča.



Usaglašen je naziv pod kojim će se dalje prezentovati saradnja navedene tri općine i definisanje dalje aktivnosti na području promocije lokalnih potencijala za razvoj poslovnih aktivnosti, privlačenje investicija i poticanje izvoza. Dalja realizacija projekta bit će provedena kroz operativnu razradu na nivou općinskih koordinatora projekta.

Ovom prilikom želimo istaknuti da je područje navedene tri općine jedno od samo tri područja u BiH sa kojima će GIZ sarađivati tokom perioda 2013-2015. godina.


POSJETA PRIVREDI

MANN+HUMMEL BA i GRUPACIJA AS

Općinski načelnik Suad Huskić sa saradnicima, u okviru redovne posjete privredi obišao je firme Mann+Hummel BA i Grupaciju AS, Jelah. Povod posjete ovim firmama su rezultati poslovanja za prethodnu godinu i ciljevi za narednu godinu (Mann+Hummel) i nova ulaganja, te isporuka proizvoda u Saudijsku Arabiju (AS Jelah).

Ovom prilikom, direktor Smajl Ramović (Mann+Hummel BA) upoznao je Općinskog načelnika i o planovima za dalji razvoj, kao i o instaliranoj opremi za prečišćavanje otpadnih voda, dok je vlasnik Suljo Hrvic (AS) iznio planove za novu firmu u njihovoj grupaciji - OAZA (mineralna voda) i uređenju lokacije gdje je smješten ovaj izvor.

Općinski načelnik je izrazio spremnost i otvorenost općinske administracije za saradnju i pomoć koliko bude moguće, te istakao da Općina Tešanj želi da bude partner privrednicima na ovom području.



BELIF I ZLATNA KAP

Delegacija Općine Tešanj, obišla je i Opću poljoprivrednu zadrugu Zlatna kap i firmu koja se bavi proizvodnjom hemijskih proizvoda - Belif.

Povod posjete Zlatnoj kapi je puštanje u rad renoviranog objekta po EU standardima, a čije otvorenje je upriličeno u petak, 1. februara, dok je firma Belif već nekoliko godina na listi 100 najuspješnijih u BiH, a prema rezultatima Poslovnih novina.



Ovom prilikom, Općinski načelnik je saznao i trenutne probleme sa kojima se privrednici susreću, a razgovaralo se i o mogućnostima za poboljšanja.

Na ovaj način želimo pokazati našu otvorenost prema privrednicima, te vidjeti šta je to što eventualno općinska administracija može uraditi kako bi im olakšala posao, kazao je Općinski načelnik Suad Huskić.

NOVOIZABRANI PREDSTAVNICI

Naziv MZ	PREDSJEDNIK SKUPŠTINE	Broj telefona	PREDSJEDNIK SAVJETA	Broj telefona	SEKRETAR MZ-e	Br.Telefona Sekretara Privatni	Br. tel.u MZ	Radno vrijeme	Mail adresa
BOBARE-DRINČIĆI - BLAŽEVCI	Kurdić Miralem	061-051-927	Bašić Esmir	061-787-810	Izudin Šabanović		660-811	od 08-12,00 sati svakim radnim danom	
BUKVA	Krdžalić Ibrahim	61781537	Krdžalić Bedrudin	062-242-896	Prnjavorac Senad	061-703-659	650-615	od 9-13,00 sati svakim radnim danom izuzev srijede od 13-16,00 sati,	mz.bukva@gmail.com
DOBROPOLJE-MEKIŠ	Sabit Gogić	061-162-226	Hamza Hotić	061-302-613	Brka Mirsada 655-255	061-704-093	655-640	radnim danom od 08-12,00 sati	mzdobropolje-mekis@hotmail.com
DŽ.PLANJE	Travnjak Senad	061-297-724	Turkeš Kenan	061-840-913	Turkeš Mihret	061-769-800	660-654	po potrebi,	
JABLANICA	Plančić Nusret	061-472-233	Bašić Fehro	061-758-824	Lihić Almir	062-970-094	657-077	Ponedjeljak, Srijeda i Petak od 08-14,00 sati	mz.jablanica@gmail.com
JELAH	Hasanićević Edin	061-816-662	Zeničanin Ismet	663-187	Kotorić Emir	061-417-409	663-068	od 07,30-15,00 svakim radnim danom i subotom od 7,30-11,00 sati.	mzjelah@bih.net.ba
JEVADŽIJE	Hrnjić Fahko	062-832-460	Emir Dizdarević	063-374-332	Hrnjić Sabiha	061-363-394	664-145	od 14,00-16,00 Srijedom i Nedeljom	
KALOŠEVIĆ	Bošnjak Elvir	062-330-495	Fahrudin Bobarić	061-152-950	Numić Rasim	061-755-442	661-610	od 08,00-12,00 radnim danom	
KARADAGLIJE	Alispahić Alija	061-758-484	Halilović Nihad	061-623-952	Softić Enis	061-718-047	657-022	Radnim danom od 09-13,00 sati	
KRAŠEVO	Bekrić Izudin	062-342-882	Čolić Elvis	061-422-159	Hanifa Begić	062-487-061	691-992	Ponedjeljak, i četvrtak od 13-17,00 sati	mzkrasevo@hotmail.com
LJETINIĆ			Ibrahimkadić Nihad	061-336-579	Subhija Hadžan	061-289-039	658-314	od 09-12,00 radnim danom,	ljetinicz@yahoo.com
MEDAKOVO	Huremović Senad	061-266-127	Čosatović Enes	061-753-437	Beganović Salih	061-166-702	658-418	od 07,00-15,00 radnim danom.	
MILJANOVCI-LONČARI	Ahmić Elvedin	061-432-888	Lekić Senad	062-243-029	Lekić Vehad	668-827	668-931	od 08,00-12,00 Ponedjeljak,Utorak i Četvrtak	mzmiljanovci-loncari@live.com
MRKOTIĆ	Čaplja Ahmet	061-306-939	Unkić Nedžad	061-450-010	Rizvanović Zijad	061-278-550	x	Ponedjeljak, Četvrtak i Subota od 07,30-16,00	mzmrkotic@gmail.com
N. MILJANOVCI	Kruško Selim	061-307-591	Kruško Zehrudin	061-796-302	Pazara Hasan	062-704-842	668-934	od 08,00-12,00 radnim danom,	mz.novi.miljanovci@hotmail.com
NOVO SELO	Hadžikadunić Halid	061-610-962	Hadžić Hidajet	061-433-893	Ogrić Esad	061-251-850	662-425	od 08,00-12,00 radnim danom,	
ORAŠ PLANJE	Čorić Enver	061-646-046	Senad Hatkić	061-403-190	Huskić Kasim 660-949	061-753-430	660-571	po potrebi	
PILJUŽIĆI					Mudrov Murisa 668-469	061-847-150	668-952	od 08,30-11,30 radnim danom,	
RADUŠA	Mehuljić Adem	652-684	Kašibović Nedžad	061-421-867	Šišić Jasmin	061-736-705	650-461	od 07,00-15,00 svakim radnim danom	mzradusa@hotmail.com
ROSULJE	Agić Emin	061-416-152	Agić Muhamed	061-876-866	Himzić Edin	062-317-776	663-729	od 09,00-13,00 Ponedjeljak,Srijeda i Petak	
ŠIJE	Mehmedović Omer	062-521-992	Alić Edin	061-400-828	Hasanić Zlata	694-070	694-144	od 07-15,00 radnim danom,	mzsijetesanj@bih.net.ba
TEŠANJ	Mulasmajić Dževad	061-751-299	Smailbegović Mustafa	061-433-945	Kot. Irma 062109343	061-331-360	650-073	od 08-16,00 sati radnim danom	mztesanj@hotmail.com
TEŠANJKA	Čostović Haris	061-453-402	Mujagić Esad	061-422-665	Čehaić Jasmina	062-873-659	662-035	radnim danom od 09-13,00 sati,	mztesanjka@gmail.com
TREPČE	Sejdo Kadušić	062-509-660	Hasanbašić Avdo	061-594-535	Hajrić Sabahudin	061-455-058	x	od 08,00-15,00 radnim danom	
VUKOVO	Hrvić Nermin		Fejzić Suljo	061-189-425	Omerbašić Muharem	664-533	663-950	od 16,00-18,00 sati radnim danom	

MJESNIH ZAJEDNICA



POSJETA MINISTARSTVIMA U VLADI ZDK

Općinski načelnik Suad Huskić u utorak, 12. marta sastao se sa Ministrom obrazovanja, nauke, kulture i sporta u Vladi ZDK, Mirkom Trifunovićem i razgovarao na temu općinskih stipendija, kao i o saradnji kada je obrazovanje u pitanju.

Istog dana, Općinski načelnik se sastao i sa Ministrom za poljoprivredu, šumarstvo i vodoprivredu, Bojanom Bošnjakom. Tema ovog sastanka je bila saradnja Općine i Ministarstva u provođenju administrativnih usluga i mogućnosti skraćenje trajanja procedure. Sastanku je prisustvovao i pomoćnik Općinskog načelnika

POBOLJŠANJE SARADNJE NA DVA NIVOVA VLASTI

U organizaciji Misije OSCE-a u BiH za ministre u Vladi Zeničko-dobojskog kantona i načelnike 12 općina Kantona održan je tematski sastanak posvećen poboljšanju međusobne saradnje dva nivoa vlasti. U uvodnoj riječi, Luc Lietaer /Luk Liter/ zamjenik direktora Odjela za ljudske resurse Misije OSCE-a BiH kazao je da je saradnja i bliska komunikacija različitih nivoa vlasti od ključne važnosti za napredak BiH ka evropskim integracijama. Nakon toga, prisutnima se obratio Fikret Plevljak, premijer Zeničko-dobojskog kantona ukratko upoznavši učesnike sastanka sa prioritetima rada Vlade u ovoj godini, te pokrenutim inicijativama za izmjene pojedinih zakonskih akata na federalnom nivou.

Nakon uvodnih riječi, ministri u Vladi Kantona pojedinačno su predstavili programske prioritete svojih ministarstava a potom su to učinili i načelnici općina.

Ovom prilikom, Općinski načelnik Suad Huskić iznio je primjedbu na mjesto i način odražavanja sastanka, jer je sastanak organiziran posredstvom OSCE-a i izvan sjedišta institucija (što daje lošu poruku javnosti) i iznio nekoliko problema iz nadležnosti Kantona koji opterećuju rad općinske uprave i Načelnika - infrastrukturni objekti, konkretno regionalni put - raskrsnica Jelah i klizište Čatin greb - što je direktno kantonalna nadležnost, zatim ugroženost školske infrastrukture, kao i činjenicu da Kanton u ovom trenutku ima finansijske obaveze prema javnim preduzećima i ustanovama kojima je općina osnivač u iznosu od milion KM, što opterećuje rad ovih preduzeća i ustanova.



OPĆINSKE OBVEZNICE



U organizaciji Vlade Tuzlanskog kantona, u srijedu 13.03.2013. godine organizovana je prezentacija za načelnike općina i saradnike za finansije i poduzetništvo na temu *Mogućnosti razvoja općina putem emitiranja vrijednosnih papira*. Temu su prezentirali prof. dr. Mehmed Ganić sa Međunarodnog univerziteta u Sarajevu, Hamzaliya Hojkurić, pomoćnik Općinskog načelnika za finansije i ekonomiju, te Muris Nišić direktor Poduzetničkog centra u Tuzli.

Općina Tešanj je prva u FBiH uspješno realizirala proces emitiranja općinskih obveznica, i nažalost još uvijek je i jedina jer pokušaji nekih drugih općina nisu uspjeli, zbog čega su naša iskustva često tražena putem Saveza općina i gradova, vlada kantona ili samih općina. Predstavnik Općine Tešanj prenio je iskustva vezana za proces emitiranja obveznica kroz Studiju slučaja (skraćeni prikaz stvarnih situacija).

OTVORENA RENOVIRANA SIRANA ZLATNA KAP

Opća poljoprivredna zadruga *Zlatna kap* Jelah, u prisustvu mnogobrojnih zvanica i gostiju upriličila je svečano otvorenje renovirane Sirane u svom objektu. Radi se o projektu koji je financiran od strane *USAID-a/Sida* Farma programa. Renoviranu Siranu su, svečanim presijecanjem vrpce otvorili direktor *USAID-a* u BiH David J Barth, Općinski načelnik Suad Huskić i direktor *Zlatne kapi* Maid Smajić, koji su se, ovom prilikom prigodnim govorom i obratili.

Ovo je dobar primjer za cijelu BiH - domaći proizvod svjetskog kvaliteta. Sretan sam da smo vam omogućili podršku, kazao je direktor *USAID-a* u BiH, David J Barth.

U ime građana općine Tešanj i moje ime želim zahvaliti USAID-u za dugogodišnju saradnju i podršku na području općine Tešanj. Nadam se da ćemo i u narednom periodu uspješno sarađivati na obostrano zadovoljstvo, kazao je Općinski načelnik Suad Huskić.

Zlatna kap trenutno zapošljava četiri stalna i tri sezonska radnika, te vršimo otkup mlijeka od 120 malih proizvođača. Specijaliziran smo za proizvodnju tvrdih i mekih sireva poznatih pod nazivom Tešanjski sir, kazao je direktor *Zlatne kapi* Maid Smajić.

Zlatna kap godišnje prerađuje 400.000 litara mlijeka i prodaje oko 40 tona raznih sireva. Nakon svečanog otvorenja, gosti su imali priliku obići renovirane prostorije i probati različite sireve koje proizvodi *Zlatna kap*.



PROGRAM NOVČANIH POTICAJA ZA POLJOPRIVREDU



Na program novčanih poticaja za unapređenje primarne poljoprivredne proizvodnje na području općine Tešanj u 2013. godini u sali Općinskog vijeća održana je javna rasprava. Struktura programa poticaja za 2013. godinu obuhvata instaliranje sistema za navodnjavanje *kap po kap*, proizvodnju u plastenicima/ staklenicima, proizvodnju povrća na otvorenom, proizvodnju povrća za otkup, proizvodnju mlijeka, tov junadi, pčelarstvo, te proizvodnju voća za otkup.

Tokom rasprave, izneseni su prijedlozi i sugestije koje će doprinijeti donošenju što kvalitetnijeg programa za 2013. godinu. Za ovu namjenu, u budžetu su planirana sredstva u iznosu od 300.000,00 KM.

Program možete pogledati na:
www.opcina-tesanj.ba

TEŠANJSKO PROLJEĆE

Tradicionalnim polaganjem cvijeća na mezar Muse Ćazima Ćatića u Tešnju i recitalom učenika literarne sekcije Gimnazija Musa Ćazim Ćatić počela je i ovogodišnja manifestacija Tešanjско proljeće. Cvijeće su položili učenici Gimnazije Tešanj.

Polaganju cvijeća su prisustvovali predsjedavajući Općinskog vijeća, Općinski načelnik sa saradnicima, direktorica, profesori i učenici Gimnazije Musa Ćazim Ćatić i građani Tešnja.

Nakon polaganja cvijeća, u Velikoj sali Centra za kulturu i obrazovanje održan je kulturno-zabavni program učenika Gimnazije, a u 18,00 sati u Maloj sali Centra za kulturu i obrazovanje - Izložba grafike iz fundusa Muzeja Zenica. Manifestacija će trajati do 30. aprila 2013. god.



RAGBI UTAKMICA BIH - LUKSEMBURG

Povodom održavanja ragbi utakmice između reprezentacija BiH i Luksemburga 13. aprila u Tešnju, održana je press konferencija na kojoj su medijima predstavljeni detalji oko utakmice. Na press konferenciji su učestvovali Općinski načelnik Suad Huskić, član Upravnog odbora Ragbi saveza BiH Sead Krupalija i selektor BH reprezentacije Safet Ćerim.

Na ovaj način Općina Tešanj daje podršku sportu u BiH. Nadam se da će rezultat biti dobar, a efekti pozitivni, kazao je Općinski načelnik Suad Huskić.

Utakmica se održava u okviru kvalifikacija za Evropsko prvenstvo, a putem Face tv bit će omogućen direktan prenos iz Tešnja. Osim Luksemburga i BiH, u grupi su još i ekipe Norveške, Finske i Grčke.



PRIJEM MLADIH SPORTISTA

U Kabinetu Načelnika upriličen je prijem mladih i uspješnih sportista sa područja općine Tešanj - Ajdina Salkičevića (prvak BiH u karateu u svojoj kategoriji), Sare Ćostović (jedina tešanjсka gimnastičarka) i Amre Mandžukić (odbojka - postigla zapažene rezultate).

U pratnji roditelja, Općinski načelnik Suad Huskić razgovarao je sa ovim mladim sportistima o dosadašnjim postignutim uspjesima i planovima za naredni period.

Ovom prilikom, Općinski načelnik je čestitao na postignutim rezultatima i poželio uspjeh i u narednom periodu.





SANACIJA KLIZIŠTA NA DIONICI ČATIN GREB

Počela je sanacija klizišta na regionalnoj cesti R474, na dionici Čatin greb kako bi se riješio problem klizišta i normalne komunikacije regionalnom cestom. Izvođač radova je firma Porobić d.o.o. Zavidovići.

U narednim danima ćedolaziti do obustave saobraćaja na toj dionici i korištenja alternativnih puteva, o čemu će građani dobivati informacije od nadležne Direkcije cesta.

OBILJEŽAVANJE POSLOVNIH ZONA

Općinski načelnik Suad Huskić i predstavnik firme Werbelicht Adria d.o.o. Breza Sakib Lee Mlivić potpisali su Ugovor za obilježavanje poslovnih zona (izrada informativnih panoa) na području općine Tešanj.

Na ovaj način na jednom mjestu bit će dostupan pregled svih privrednih subjekata u poslovnim zonama.

Također, potpisan je i ugovor za sanaciju i farbanje stubova javne rasvjete na području MZ Jelah (dionica Rosulje -FAD d.o.o. Jelah).

Završetak radova za oba projekta se očekuje početkom aprila.



UREĐENJE FASADA U TEŠNJU

U Sali Općinskog vijeća održan je sastanak sa vlasnicima objekata u ulicama Trg Alije Izetbegovića i Kralja Tvrtka u Tešnju.

Sastanku su prisustvovali, osim Općinskog načelnika, pomoćnici Općinskog načelnika Hamzaliya Hojkurić i Nadir Medarić, te Komunalno-vodni inspektor Sedad Aličehajić.

Tema sastanka je bila uređenje fasada, a u skladu sa Programom uređenja fasada.

Cilj je pokretanje aktivnosti na stvaranju kvalitetnijih uslova za adekvatnije održavanje i uređenje fasada stambenih i drugih zgrada, porodičnih kuća i okućnica u pojedinim dijelovima grada Tešnja.

UGOVORI SA NVO

Krajem februara, potpisani su ugovori za finansiranje projekata nevladinih udruženja za 2013. godinu. Ugovore su potpisali Općinski načelnik Suad Huskić i 44 udruženja građana sa područja općine Tešanj.

Prigodnim govorom, prisutnima se obratio Općinski načelnik Suad Huskić i zahvalio udruženjima na kvalitetnim projektima, te istakao da je UNDP za 2012. godinu Općinu Tešanj ocjenjenio uspješno kada je u pitanju saradnja sa NVO.

Na javni poziv, ove godine ukupno je pristiglo 62 projekta udruženja građana. Nakon provedene procedure, prihvaćena su 44 projekta. U budžetu za ovu namjenu ukupno je izdvojeno 231.300,00 KM.



SPORAZUM O REALIZACIJI PROJEKTA UPOZORAVANJE NA OPASNOSTI OD MINA

Općina Tešanj, 13. 03. 2013. godine sa NVO „Posavina bez mina“ iz Brčkog, potpisao Sporazum o realizaciji aktivnosti upozoravanja na opasnosti od mina u okviru Plana protivminskog djelovanja Općine Tešanj. Naime, Općina Tešanj je putem Službe civilne zaštite izrazila spremnost za realizaciju ovih aktivnosti, što je u okviru svojih nadležnosti preuzela navedena nevladina organizacija. Ove aktivnosti će se provoditi u nekoliko segmenata, a koji se odnose na postavljanje panoa minske situacije na devet lokacija, trajno obilježavanje jednog projektnog zadatka, javno informisanje, edukacija ugroženih populacija i povezivanje sa ugroženom zajednicom. Ova aktivnost se provodi putem sufinansiranja, za šta je Općina Tešanj izdvojila 4.000 KM, dok je većinu sredstva osigurala NVO „Posavina bez mina“ putem donatora.



STROGO ZABRANJENO NEPROPISNO PALJENJE VATRE NA OTVORENOM PROSTORU

Analizom požara otvorenog prostora u 2012. godini na području općine Tešanj, usljed obavljanja proljetnih radova čišćenja poljoprivrednih, šumskih i drugih površina, odnosno prilikom loženja vatre i spaljivanja korova, suhe trave, lišća, poljoprivrednih i drugih otpada, dolazilo je do velikog broja požara niskog rastinja, a koje su izazivali pojedinci svojim nemarom ili pak svjesno, usljed čega je dolazilo do neželjenih pojava nekontrolisanog širenja požara na susjedna područja i objekte, čime su ugrožavani ljudi, prirodni resursi i materijalna dobra.

Obzirom da je sezona proljetnih radova počela, podsjećamo građane da je **STROGO ZABRANJENO** paljenje vatre na otvorenom prostoru, na mjestima koja se nalaze u neposrednoj blizini šuma, kao i na nepristupačnim mjestima na kojima nije moguć pristup vatrogasnih vozila.

Prilikom loženja vatre, građani se moraju u potpunosti pridržavati i poštivati propisane mjere opreza kao što su:

1. Prilikom čišćenja parcela, prikupljeni otpad spaljivati uz maksimalne mjere opreza i lično prisustvo dok otpad ne izgori.
2. Ne ostavljati upaljenu vatru ili žar nekontrolisano na njivi.
3. Prije polaska sa njive ili kampovanja, politu vatru ili žar vodom, ili zatrpati zemljom.
4. Posebno voditi računa da se paljenje otpada ne vrši u blizini šuma, privrednih objekata, benzinskih pumpi, plinara, a naročito u toku pojave vjetrova.
5. Paljenje otpada vršiti u ranim jutarnjim, a ne večernjim satima.

Ukoliko, i pored svih preduzetih mjera dođe do požara koji više nije moguće kontrolisati potrebno je obavijestiti:

1. Dežurnog u Profesionalnoj vatrogasnoj jedinici Tešanj na broj telefona **123** i **032/650-720**;
2. Dežurnog u Policijskoj stanici Tešanj na broj telefona **122** i **032/651-606**;
3. Operativni centar civilne zaštite na broj telefona **121** i **032/650-439**.


Podsjećamo da su odredbama člana 169. Zakona o zaštiti od požara i vatrogastvu („Sl. novine FBiH“ broj: 64/09) predviđene novčane kazne za pojedince u iznosu od 100,00 do 1.500,00 KM, koji svojim postupcima omogućuju nastanak požara, kao što je na nepropisan način loženje vatre na otvorenom, u šumama, na šumskom zemljištu, ili na drugom zemljištu.

Vaša mala nepažnja može izazvati velike posljedice !

KLIMATOLOŠKI PODACI ZA 2012. GODINU

	Januar	Februar	Mart	April	Maj	Juni	Juli	Avugst	Septembar	Oktobar	Novembar	Decembar
Prosječna Temperatura (C°)	2,04	-3,08	10,28	13,09	16,81	23,48	26,04	26,68	20,74	13,99	11,55	2,61
Padavine i snježne otopine (l/m ²)	76,7	80,7	4,5	125,5	170,5	76,0	60,0	1,0	85,8	94,5	60,5	136,0

Najniža izmjerena temp. u 2012. godini iznosi:	-20 °C	09.02.2012.
Najviša izmjerena temp. u 2012. godini iznosi:	40 °C	22.08.2012.
Prosječna temperatura zraka za 2012. godinu iznosi:	13,69 °C	
Ukupna količina padavina za 2012. godinu iznosi:	971,7 l/m ²	
Dan sa najviše padavina u 2012. godini:	52 l/m ²	13.09.2012.
Mjesec sa najviše padavina u 2012.:	170,5 l/m ²	maj
Broj pretežno vedrih i sunčanih dana u 2012. godini:	132 dana	
Broj pretežno oblačnih i oblačnih dana u 2012. godini:	130 dana	
Broj kišnih dana u 2012.godini:	79 dana	
Broj snježnih dana (padanje snijega) u 2012.godini:	24 dana	



UPOZORENJE

DOSADAŠNJE ANALIZE SU POKAZALE DA JE PROLJEĆE PERIOD KADA SE PRONAĐE I PRIJAVI NAJVEĆI BROJ NEEKSPLODIRANIH UBOJNIH SREDSTAVA (NUS). NAJČEŠĆI NAČIN PRONALASKA JE PRILIKOM IZVOĐENJA PROLJETNIH RADOVA. DA BI SE SMANJIO RIZIK OD MOGUĆIH POSLJEDICA USLJED PRONALASKA I AKTIVIRANJA NUS-a, NEOPHODNO JE POSTUPITI PREMA SLJEDEĆIM UPUTAMA:

- ISTI NE DIRATI, PREMJEŠTATI, TRANSPORTOVATI;
- ISTI OBILJEŽITI I ODMAH PRIJAVITI SLUŽBI CIVILNE ZAŠTITE NA BROJ TELEFONA 121 ILI POLICIJSKOJ UPRAVI TEŠANJ NA BROJ TELEFONA 122.

Polaganje cvijeća na mezar Muse Ćazima Ćatića
utorak, 12. mart 2013. u 16 sati

Kulturno-zabavni program učenika Gimnazije
Hej, ja slikam, sviram, pjevam

utorak, 12. mart 2013. u 16,30 sati, Pozorišna dvorana CKO

Izložba grafike iz fundusa Muzeja Zenica

utorak, 12. mart 2013. u 18 sati, Mala sala CKO

Otvorenje izložbe slika učenika Gimnazije

srijeda, 13. mart u 17,30 sati, Sala za sastanke "AS" Tešanj

Pjesničko veče posvećeno Musi Ćazimu Ćatiću i promocija knjige
poezije i proze učenika Gimnazije

četvrtak, 14. mart 2013. u 17,30 sati, Biblioteka Tešanj

Izložba fotografija *Drvo u tradicijskoj kulturi BiH*

petak, 15. mart 2013. u 18 sati, Hotel "AA" Jelah

Karate takmičenje *Tešanj Open 2013*

nedjelja, 17. mart 2013. u 10 sati, Sportska dvorana

10. tradicionalni međunarodni turnir u Golbalu

subota, 23. mart 2013. u 9 sati, OŠ Rešad Kadić

Pozorišna predstava *Cosa nostra*

subota, 23. mart 2013. u 19 sati, Pozorišna dvorana CKO

Projekcija filma *Madagaskar 3*

ponedjeljak i utorak, 25. i 26. mart 2013,

Pozorišna dvorana CKO

Filmska predstava *Ana Karenjina*

srijeda, četvrtak i petak, 27-29. mart 2013,

Pozorišna dvorana CKO

2013



Promocija knjige Husnije Kamberovića
Džemal Bijedić politička biografija

petak, 29. mart 2013. u 18,30 sati, Biblioteka Tešanj

Premijera pozorišne predstave *Ma šta mi reče*
subota, 30. mart 2013. u 19 sati, Pozorišna dvorana CKO

Polaganje cvijeća na centralnom spomen obilježju
četvrtak, 4. april 2013. u 16 sati

Projekcija filma *Tešanjski odgovor 1992-1995.*

četvrtak, 4. april 2013. u 16,30 sati, Pozorišna dvorana CKO

Tribina *Ideja Koalicije Prvi mart*

petak, 5. april 2013. u 18,30 sati, Biblioteka Tešanj

Otvorenje 9. sajma privrede *Biznis 2013 Tešanj*

11. april 2013. u 11 sati, zgrada Madi (bivša Sloga) u Bukvi

Izložba fotografije *Otorats: stecci iz Armenije*
petak, 12. april 2013. u 19 sati, Mala sala CKO

Promocija knjige dr. Refika Bulića

Ekavsko-jekavski govori tešanjsko-maglajskog kraja
srijeda, 17. april 2013. u 19 sati, Mala sala CKO

Promocija romana Isnama Taljića

Opet ćemo se vidjeti ispod crvene jabuke
petak, 19. april 2013. u 19 sati, Biblioteka Tešanj

Smotra učeničkog stvaralaštva
srijeda, 24. aprila 2013. u 17 sati, Pozorišna dvorana CKO

Veče sa Sidranom

petak, 26. april 2013. u 18 sati, Mala sala CKO

Otvorenje stalne izložbe numizmatičke zbirke
utorak, 30. april 2013. u 17 sati, Stari grad Tešanj

TEŠANJSKO PROLJEĆE 2013.